

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-55662000

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

# যুক্তরাষ্ট্র ভিসা আবেদনকারীদের জাল কাগজপত্র ব্যবহার না করতে সতর্ক করা হচ্ছে

ঢাকা, ৫ই মে, ২০১৫ -- যুক্তরাষ্ট্রের পররাষ্ট্র দফতর ভিসা প্রক্রিয়ার সত্যতা নিশ্চিত করতে কঠোর পরিশ্রম করে এবং ভিসা জালিয়াতি সংক্রান্ত যে কোন অভিযোগ যথেষ্ট গুরুত্বের সাথে নেয়। ঢাকাস্থ যুক্তরাষ্ট্র দূতাবাস লক্ষ্য করেছে যে যুক্তরাষ্ট্রের ভিসা পাওয়ার জন্য জাল কাগজপত্রের ব্যবহার অত্যধিক রকম বেড়ে গিয়েছে। এই আশঙ্কাজনক প্রবণতা মোকাবেলা করতে যুক্তরাষ্ট্র দূতাবাস বাংলাদেশের আইন প্রয়োগকারী সংস্থাগুলোর সাথে একসাথে কাজ করছে যাতে করে কাগজ জালিয়াতি করা দালালদের পাশাপাশি যেসব আবেদনকারী ভিসা সাক্ষাৎকারে এসব কাগজপত্র ব্যবহার করে তাদেরও গ্রেফতার করতে পারে। কনসুলার কর্মকর্তাদের জালিয়াতি চিহ্নিত করতে পারার দক্ষতার কারণে এবং যুক্তরাষ্ট্র দূতাবাস ও বাংলাদেশী আইন প্রয়োগকারী সংস্থাগুলোর মধ্যে এ ব্যাপারে সহযোগিতা আরো দৃঢ় হবার ফলে কাগজপত্র জালিয়াতির জন্য গ্রেফতারের হার বাড়ছে।

ভিসা সংক্রান্ত কাগজপত্র জালিয়াতি, মিথ্যা তথ্যের দলিলপত্র রাখা এবং নকল কাগজপত্র তৈরি, বিতরণ ও ব্যবহারের চক্রান্তের সাথে জড়িত থাকা এ সবকিছুই যুক্তরাষ্ট্র ও বাংলাদেশের আইন অনুযায়ী অপরাধ হিসেবে গণ্য। ভিসা আবেদনকারীরা যখন এসবের মধ্যে একটি অপরাধও করে থাকে যুক্তরাষ্ট্র দূতাবাস স্থানীয় আইন প্রয়োগকারী সংস্থাকে ডাকতে একটুও দ্বিধা বোধ করে না।

একজন ভিসা আবেদনকারী যখন দালালের সাহায্য নেয় তখন সাক্ষাত্কারের সময় দেখানো কাগজপত্রের তথ্যাদি, এগুলোর বৈধতার জন্য এবং আবেদনপত্রের জন্য আবেদনকারী এবং দালাল দু'জনই দায়ী থাকবে। জাল কাগজপত্রসহ ধরা পড়া কোন ভিসা আবেদনকারী অঙ্গতার কারণে এ কাজ করেছে বলে আইনি প্রক্রিয়া থেকে ছাড় পাওয়ার আশা করতে পারে না। যুক্তরাষ্ট্রের কনসুলার কর্মকর্তাৱা অনেক সময়ই বৈধ ভ্রমণকারীদের সাক্ষাত্কার নিয়ে থাকেন যারা এসব বিবেকহীন দালালদের বিশ্বাস করে সাহায্য নেয়। ফলশ্রুতিতে তাদের ভিসাই যে কেবল প্রত্যাখ্যান হয় তা নয়, পরবর্তীতে বাংলাদেশের আইন ভাঙ্গার জন্যও তাদের প্রে�েটার করা হয়।

যুক্তরাষ্ট্র দৃতাবাস ভিসা আবেদনকারীদের মনে করিয়ে দিতে চায় যে কোন দালালের সাহায্য নিলেই তাদের ভিসা পাওয়ার সম্ভাবনা বেড়ে যাবে না। ভিসা প্রক্রিয়ায় দালালদের কোন ধরনের প্রভাব নেই। ভিসা সংক্রান্ত সবচেয়ে নির্ভরযোগ্য তথ্য পাওয়া যাবে আমাদের ওয়েবসাইট <http://www.ustraveldocs.com/bd> এ বাংলা এবং ইংরেজীতে।

=====